



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH», broj: 12/03, 34/03 i 65/13), člana 25. i 34. Zakona o ustanovama ("Službeni list R BiH", broj: 6/92, 8/93 i 13/94), člana 56. Statuta općine Ilijaš-prečišćeni tekst ("Službene novine Kantona Sarajevo", broj: 20/09 i 46/18), člana 3., 11. i 18. Odluke o osnivanju JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ ("Službene novine Kantona Sarajevo", broj: 2/00 i 18/10) i člana 38. 39. i 52. Pravila JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ, Općinski načelnik objavljuje:

JAVNI OGLAS

za izbor i imenovanje kandidata na poziciju predsjednika i člana Upravnog odbora i Nadzornog odbora JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ, čije konačno imenovanje vrši Načelnik općine Ilijaš

I – Oglašavaju se upražnjene pozicije u JAVNOJ USTANOVI «KULTURNO-SPORTSKI CENTAR I RADIO ILIJAŠ» ILIJAŠ (u daljem tekstu Ustanova):

Upravni odbor

- član, predsjednik - iz reda osnivača
- član, iz reda osnivača
- član, iz reda zaposlenika

Nadzorni odbor

- član, predsjednik - iz reda osnivača
- član, iz reda osnivača
- član, iz reda zaposlenika

II - NADLEŽNOSTI UPRAVNOG ODBORA

Donosi Pravila Ustanove; imenuje i razrješava direktora Ustanove; utvrđuje planove rada i razvoja; utvrđuje godišnji program rada; donosi finansijski plan i usvaja godišnji obračun; donosi opće akte o unutrašnjoj organizaciji i sistematizaciji poslova i druge opće akte u skladu sa Zakonom i Pravilima Ustanove; odlučuje o svim pitanjima obavljanja djelatnosti radi kojih je Ustanova osnovana; usmjerava, kontroliše i ocjenjuje rad direktora; rješava sva pitanja odnosa sa Osnivačem; odlučuje o korištenju sredstava preko iznosa utvrđenog Pravilima Ustanove; odgovara osnivaču za rezultate rada Ustanove; odlučuje o prigovoru uposlenika na rješenje kojim je drugi organ ustanove odlučio o pravu, obavezi i odgovornosti uposlenika; podnosi osnivaču najmanje jedanput godišnje izvještaj o poslovanju Ustanove; vrši i druge poslove u skladu sa Zakonom i Pravilima ustanove.

MANDAT

Upravni odbor se imenuje na period od četiri godine uz mogućnost obnove mandata.

STATUS

Aktom o imenovanju predsjednika i članova Upravnog odbora, isti ne zasnivaju radni odnos u Ustanovi. Naknada za rad u Upravnom odboru utvrđuje se u skladu sa aktima Ustanove.

III - NADLEŽNOSTI NADZORNOG ODBORA

Analizira izvještaje o radu i poslovanju ustanove; obavlja nadzor nad upotrebom sredstava za rad; pregleda godišnji izvještaj poslovanja i godišnji obračun; pregleda poslovne knjige;

Izveštava osnivača, upravni odbor i direktora o rezultatima nadzora.

MANDAT

Nadzorni odbor se imenuje na period od četiri godine uz mogućnost obnove mandata.

STATUS

Aktom o imenovanju predsjednika i članova Nadzornog odbora, isti ne zasnivaju radni odnos u Ustanovi. Naknada za rad u Nadzornom odboru utvrđuje se u skladu sa aktima Ustanove.

IV - OPĆI USLOVI

Kandidat za izbor i imenovanje u Upravnom odboru i Nadzornom odboru mora ispunjavati sljedeće opće uslove:

- da je stariji od 18 godina (dokaz: Izvod iz matične knjige rođenih),
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (na bilo kojem nivou države ili entiteta) u periodu od tri godine prije dana objavljivanja upražnjene pozicije (dokaz: potpisana izjava ovjerena od strane općinskog organa),
- da se na istog ne odnosi član IX stav 1. Ustava Bosne i Hercegovine (dokaz: potpisana izjava ovjerena od strane općinskog organa).

V – POSEBNI USLOVI I KRITERIJI

Pored općih uslova kandidat treba ispunjavati i sljedeće posebne uslove:

- da je državljanin Bosne i Hercegovine (dokaz: uvjerenje o državljanstvu ne starije od šest mjeseci),
- da se protiv istog ne vodi krivični postupak, odnosno da nije osuđivan za krivično djelo ili privredni prestup, koji je nespojiv sa obavljanjem dužnosti predsjednika i člana Upravnog odbora i predsjednika i člana Nadzornog odbora (dokaz: uvjerenje nadležnog suda),
- da nije osuđivan za prekršaj koji je nespojiv sa obavljanjem dužnosti predsjednika i člana Upravnog odbora i predsjednika i člana Nadzornog odbora (dokaz: uvjerenje nadležnog MUP-a),
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine («Službene novine Federacije BiH», broj:70/08) (dokaz: potpisana izjava ovjerena od strane općinskog organa),
- da ne obavlja ni jednu javnu funkciju u smislu člana 2. tačka c) i člana 5. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22-ispravka i 52/22-ispravka), (dokaz: potpisana izjava ovjerena od strane općinskog organa),
- VSS i najmanje 3 godina radnog iskustva nakon sticanja diplome – za predsjednika (dokaz: univerzitetska diploma i potvrda/uvjerenje o radnom stažu potpisano i ovjereno od strane poslodavca ili uvjerenje poreske uprave o uplaćenim porezima i doprinosima),
- VSS ili VŠS i najmanje 3 godina radnog iskustva nakon sticanja diplome – za člana (dokaz: univerzitetska diploma i potvrda/uvjerenje o radnom stažu potpisano i ovjereno od strane poslodavca ili uvjerenje poreske uprave o uplaćenim porezima i doprinosima),
- da nije član upravnog, izvršnog ili drugog organa političke stranke (dokaz: potpisana izjava ovjerena od strane općinskog organa),
- da nema privatni finansijski interes u Ustanovi (dokaz: potpisana izjava ovjerena od strane općinskog organa),
- da nije na poziciji direktora u Ustanovi (dokaz: potpisana izjava ovjerena od strane općinskog organa),

- da nije član upravnog ili nadzornog odbora u više od jednog reguliranog organa (dokaz: potpisana izjava ovjerena od strane općinskog organa).

Kandidat uz prijavu nije dužan dostaviti uvjerenje da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove i uvjerenje da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove. U postupku podnošenja prijave, kandidati dostavljaju izjavu.

Ova uvjerenja dužni su naknadno, prije konačnog imenovanja, dostaviti kandidati koji se nađu na listi užeg izbora najboljih kandidata.

Za sve kandidate koji u potpunosti ispunjavaju opće i posebne uslove u postupku konačnog izbora uzeće se u obzir i sljedeći kriteriji:

- komunikacijske i organizacijske sposobnosti,
- prilagodljivost timskom radu i sposobnost za savjesno i odgovorno obavljanje pozicije,
- sposobnost odlučnog i nepristrasnog donošenja odluka i
- rezultati rada tokom dosadašnjeg rada.

VI – KANDIDOVANJE

Podnosioci prijave sa kojima se ne stupi u kontakt u roku od 10 dana od dana isteka roka za podnošenje prijave neće biti uzeti u razmatranje u daljem procesu kandidovanja.

Svi kandidati koji budu stavljeni na listu sa užim izborom biće pozvani na intervju, nakon čega će Komisija za imenovanje putem pismene preporuke predložiti rang listu sa najboljim kandidatima općinskom načelniku.

Prije intervjua kandidati su dužni dostaviti podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Sve informacije o toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, broj:49/06, 76/11 i 89/11).

Kandidati koje nakon intervjua predloži Komisija za izbor, smatrat će se da su najuspješnije prošli otvorenu konkurenciju, a Načelnik općine Ilijaš osigurat će da se izvrši i javno objavi konačno imenovanje na poziciju u Upravnom odboru i Nadzornom odboru Ustanove.

Bilo koji kandidat ili zainteresirana stranka, može podnijeti prigovor na konačno imenovanje, ako smatra da u procesu imenovanja nisu ispoštovani principi utvrđeni Zakonom o ministarskim i drugim imenovanjima Federacije BiH.

Prigovor se podnosi Načelniku općine Ilijaš, a kopija se dostavlja Ombudsmenu za ljudska prava Bosne i Hercegovine.

Prijavljivanje se vrši putem prijavnog obrasca koji se može preuzeti u šalter sali Općine Ilijaš (ul. 126.Ilijaške brigade br.6, 71380 Ilijaš) ili sa internet-stranice općini Ilijaš www.ilijas.ba

Uz prijavni obrazac, kandidati trebaju priložiti:

- 1.biografiju;
- 2.univerzitetsku diplomu;
- 3.izvod iz matične knjige rođenih;
- 4.uvjerenje o državljanstvu (ne starije od 6 mjeseci);
- 5.potvrdu/uvjerenje o radnom stažu potpisano i ovjereno od strane poslodavca ili uvjerenje poreske uprave o uplaćenim porezima i doprinosima;

6.potpisanu i ovjerenu izjavu od strane nadležne općinske službe kojom kandidat potvrđuje slijedeće:

- da se na kandidata ne odnosi član IX.1. Ustava BiH,
- da nije osuđivan za krivično djelo ili privredni prestup, koji je nespojiv sa obavljanjem dužnosti predsjednika i člana Upravnog odbora i predsjednika i člana Nadzornog odbora javne ustanove,
- da nije osuđivan za prekršaj koji je nespojiv sa obavljanjem dužnosti predsjednika i člana Upravnog odbora i predsjednika i člana Nadzornog odbora javne ustanove,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti BiH,
- da ne obavlja ni jednu javnu funkciju u smislu člana 2. tačka c) i člana 5. Zakona o prevenciji i suzbijanju korupcije u Kantonu Sarajevo,
- da nije otpušten iz državne službe kao rezultat disciplinske mjere, predhodne tri godine od dana objavljivanja Javnog oglasa,
- da nije član upravnog, izvršnog ili drugog organa političke stranke,
- da nema privatni finansijski interes u Ustanovi u čiji se upravni ili nadzorni odbor kandiduje,
- da nije na poziciji direktora u Ustanovi,
- da nije član upravnog ili nadzornog odbora u više od jednog reguliranog organa.

Sve dokumente potrebno je priložiti u originalu ili fotokopiji ovjerenoj kod nadležne općinske službe. Dokumentacija se neće vraćati.

Komisija zadržava pravo da ostale dokaze u vezi sa datom Izjavom zatraži naknadno. Ukoliko aplikanti u roku od najkasnije 15 dana od dana traženja dokaza iste ne dostave, smatrat će se da nisu dostavili potpunu dokumentaciju.

Javni oglas ostaje otvoren 15 dana od dana objavljivanja u «Službenim novinama Federacije BiH», dnevnom listu «Oslobođenje» i web stranici Općine Ilijaš www.ilijas.ba. Rok za podnošenje prijave računa se od dana posljednjeg javnog objavljivanja oglasa.

Prijavu sa cjelokupnom traženom dokumentacijom, sa naznakom:

“Prijava na javni oglas za izbor i imenovanje kandidata na poziciju predsjednika i člana Upravnog odbora i Nadzornog odbora JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ, čije konačno imenovanje vrši Načelnik općine Ilijaš – ne otvarati”,

**kandidati trebaju dostaviti lično ili poštom preporučeno, na slijedeću adresu:
Općina Ilijaš, ul. 126. Ilijaške brigade br. 6, 71380 Ilijaš.**

Nepotpune i neblagovremene prijave neće biti razmatrane.

Broj:01/2-36-1412/2023
Ilijaš,31.05.2023.godine



OPĆINSKI NAČELNIK

Akif Fazlić, dipl.ecc.

Ul. 126. Ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod RAIFFEISEN BANK BIH,d.d. Sarajevo: 1610000091470429
e-mail drustvenedjelatnosti@ilijas.ba



Broj certifikata:HR 008740